

ALL NATIONS GOSPEL PUBLISHERS



www.angp-hb.co.za



info@angp.co.za

GBẼNAZĨNA

Sŏ

La Lua i wá sŏ e.

(Wà yaasi kè n fotoo mè kwio)

Copyright ANGP

COPYRIGHT

ISBN 0 - 908412 - 84 -3

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(Une Mission de littérature évangélique financée de dons)

(Reg. No. 1961/001798/08)

Gbě pii pɔ duuna kɛ gi Lua iko yã dai
asa duuna de Lua iko yã da sai ã.
A dõ ke Kilisi m̀ duuna waa yěi,
me a duuna ṽio.
Gbě pii pɔ ku aa guu li duuna keo.
Gbě pɔ i duuna ke,
i aa eo, i aa dõo.
Ma ne yenzideo, á su to gběe á sãsão.
Gbě pɔ le yã susu ke me susu,
la Kilisi susu wa.
Gbě pɔ i duuna ke de Setãu pɔ ã,
asa Setãu io duuna ke za kaau.
Setãu yão kaalea yěi ã Lua Ne m̀i.
Gbě pii pɔ de Lua ne ã li duuna keo,
asa Lua d̃aa ku aa guu.
A f̃o li duuna keo ke a de Lua ne ã yěi.
Bee wa w̃a Lua neo n Setãu neo dõ k̃e:
Gbě pɔ li yã susu keo,
ge a ye a gbě do zio,
a de Lua ne ão.

GBĒNAZĪNA SŌ

TO LUA KPE NO, SETĀU ZIKĒKĪIE

Taalae bee a taala dafu no. A b̀ za Fānasi busu a de wē ɔaa do la. Ō gbē dasio le efāai e taala pi yā musu maamaa. A de lan Lua dīi wa. Gbēo fō n zīa e a guu la Lua i n sō e wa. Gbē po aa n zīa sō dō sō duunde ũ taalae bee guuo dasi. Ke aa n nɔse lile, aa sō dafu è n nisīn-pua dafuo.

Goo po nle taalae bee kyo ke, nyō dō ke a de dīi po nyō fō n zīa e a guu ũ. Tāakekena n nò, losisisaide n nò, Yesude n nò, Efaa n nò, n n zīa fotoo e landō Luc le n e wa. Lua li gbēe tē boo. Gbēna-zīna sō ō i gwa.

Setāu de ege mīde ũ, gusia kie ũ, āduniae bee dīi ũ. I a zīa lile gupua male-ika ũ, ke a e gōe n nɔeo pii sāsā yēi. Tia ke wa la a zi wa, gbē sāsānao n Kilisi zīna egenao ku dasi. Bee a yā bonsae n no, asa Setāu i a zīa lile gupua male-ika ũ (2 Kōle 11.13-14). Setāu, āduniae bee dīi, i gbēo we vīa kū, i n swā gbāa kū né, ke aa su Lua bao na gawi gupua eo yēi, Kilisi po de Lua fotoo ũ gawie (2 Kōle 4.4). Duunkenao n luanaai-saideo pii aa de gēo n vīao ũ Luae. Aa te āduniae bee tufai. Setāu, iāngbāadeo kia le ki ble má (Efe 2.1-2). To an we i kē aa e dō wà sāsāo, aa mī pe kaalea po li laao wa. Gbē po mē a duuna vīo, ale a zīa sāsāe. Setāu yāo kaalea yēi ō Lua Ne mōi.

À mì siile Luaε, à gi Diabulue, i baa le
goé we zã. À sã Lua zi, i sã á zi.
(Yakubu 4.7-8)


Goo po nle lae bee kyo ke, me nle a
fotoo tãasi ka, n n zã sã fotoo e we.
Lua sãnimaakebo po ale n sã sãana o lo
ne, n su kpa a gupuaeo. Nyã n duuna dõ,
n su lele kpaio. asa Lua yã i o wëe: To
wa mē wá duuna vïo, wále wá zã sãsãe,
sãana ku wá guo. To wa wá duunao ò Luaε
a naai vï me a susu, a suu ke wano n wá
duunao, a wá yã vãio waa wëe pii.(1 Zã
1.8-9) Lua Ne Yesu au i wá duunao waa
wëe pii.(1 Zã 1.7)

To Lua yã nle mao, Setãu yãe. To Lua
zãkena n n ùo, duuna zò n n ù. To duuna
le doaa ne, n su lele kpaio, nyã wii le
Lua wa. A n bo n Yesu Kilisi gbãao, asa
a mò ãdunia guu duunkenao faaba kea yëi.
A Setãu gbãa n iko po duuna vï wáo mì dè.
A de wá toomabona ù. N ku Luc gbãsisaide
po le n asii pii e ae. A n laaso n yã
po ni ke asii guo dõ pii. N fã ule Luaeo
n fã n yã keao uleeo, asa Lua po swã kè,
ili yã mao le? Lua po we kè, ili gu eo
le? Dii i we pã toole la pii, ke a e gbë
po aa n sã kpà wao gba gbãa yëi. Lua we
io ku gbënazina yã keao wa, i n taa oao
e pii. Gusia ge gusaena lio ku ke väike-
nao fã uleeo. (Yobu 34.21-22) Ama Yesu i
a zã kpa máo, ke a gbë pii nose dõ yëi.
(Zã 2.24)

A yã me tò efãaide gbë po wà aa duuna
wàae, wà suu kè aano n aa tãaeo. Efãaide
gbë po Dii li yã vãio do wao, gbë po

mɔafili v̄io. (Soũ 32.1-2) (Soũ 51 kyo ke
lo.) Yesu le wá sisi e gbã a m̄e: À m̄o ma
k̄i á pii p̄o aso s̄ea á kpasao, má á gba
kãma. (Matie 11.28-30)

FOTOO S̄ËIA



FOTOO SĒIA BOOLE KEA

Fotoos bee le noe ge gōe po de ādunia po ũ, a de Lua po ũo sō o lo wēe. Gbē bee taa Lua yā i me duunkena. A te ādunia bee tufai. Aa doe īi n aa dāa ni deao me le doaae. La Lua le gbēnazīna sō e sīana, a fotoo n ke.

Webapun tēana le wē dea yā o, la a ku Yaasi la guu, lee 23, doo 29-33 a mē: De me ku wahala guui? De me ku dendōmēe guui? De me lekpaā vīi? De me yābole vīi? De me kē īa me a a yā dōo ni? De we me tēai? Gbē po aai wē de keo me aai wē na gbāa weeleone. N su wē fēn kpaā po le pi keeona guu gwa a bīi gbasā gē n wuo. Gbezā i swaa kī mā lan mle wa, i n so lan kyā wa, n we io pe noe wa, n sō io laasoo kolea ke.

Fotoo pi mī zīle nyō gbēnazīna sō e po nobo bui dasio ku. Nobo beeo de duuna po ku gbēnazīna sō guuo seelao ũ, asa wā sō me de wā duunao be ũ, an zōlekīi ũ.

Lua i o wēe ānabi Zelemi yā guu a mē: Sō ee vī de po pii la, me a vāi pāsīpāsī. De me a fō dōi? (Zele 17.9) Yesu me sīana kpā yā pi wa a mē: Za gbēnazīna sō guu ō laasoo vāi i bou: kaalua kaa, kpāi oa, gbē dea, gbē pāle no dāa kpaā, wetonlaa, nose vāi, moafili, wisai yā, nose gōa, gbē to bēe sia, kaa gbē ũ n misai yāo. Yā vāi beeo i bo gbēnazīna sō guu, i aa gbāsī kpa. (Maaku 7.20-23)

1. KOSA Gbē pii dō ke kosa kefeū, āma gbēnazīna sō guu la, a de duunae seela ũ, ō me de īana dāa ũ. Lusifēe, male-ika kia

po de Lua don-aede ũ yãa. aa ãana dãa yã
me tò aa gwea lèle. Õ a gõ Lua ibee ũ. Õ
wi me Diabulu ge Setãu. (Isaya 14.9-17,
Ezekie 28.12-27)

Íana dãa i bo Setãu beε. Íana dãa bui
dasi. Gbëεo i ãana dã ñ aizeε yã musu,
gbëεo an kyo kea yã musu. Gbëεo i pokasa
po kà dafu da a e a a zã mè o lo né.
Wisaiyã guu Õ aai ãana dãò. Gbëεo i noan-
blebo da. zã kõfídeε, tãanaε, ãneεo...
la a yã ku Isaya la guu wa. (Isaya 3.17-24)
Gbëεo i ãana dã ñ dezio yã musu, ge ñ
busu, ge ñ felekaa yã, ge kõo po aa dõ.
Yãe bee i sã ñ wu: Lua i ibeεe se n ãan-
dãnaε, i baa da taao wu. (1 Piεε 5.5) Lua
za waladeε n ãandãnaε wu. (Yaasi 8.13)
Íana dãa i doaa musie, wala i to wà lèle.
(Yaasi 16.18)

2. BLESANA Potuo gíde pi de gbãsi kea
seela ũ: kaalua kaa, gbë pãle no dãa kpaá,
no pose weεlea ge gõ pose weεlea, n mè
doε ãi bee taao pii. Duuna pio zõo kũ wá
zãmaa tia, asa ãdunia laagoo wá ku wa la.
Yã po Yesu dõaa o yãa, a de wë dugu pla
taa wa, a sãana kà sa. A mè: Ædunia laagoo
zãmaa ao de lan Sodoũ n Gomoεo zãmaa wa.
Ædunia tiaε bee tufa a noε n gõεo kũ pii.
Baa losisina keεo tẽi, me a gë kyo kpeε
guu n kyo neε kãakĩio. Diabulu wi vïo, ale
õo kpaá yã da gbënazĩna sõ guu. A ku sĩni-
maa ge televiziõ gwaa guu, taala vãi kyo
kea guu, n yã dasi pãleε guuo. Po po Lua
dileε duuna ũ. bee gbã gbëεo i me kuana
dafue. Bee wa ewaaso dasio le taala po
aale a kyo ke n sĩnimaá po aale gwao oε

se, ò aai gò wahala n wisaiyão n dendõmεεo guu. Wisaide pò aa zè n lalasio me wàle n e sìnima guu, aai to bò ewaasoone n wèdiao. Tia òwãkĩio gò gbãsikekĩio ù. Gbè gbãsiisaide pò an to bò Lua yã guu lan Yosefu was (Daalea 39). gbèe le n kea ke loo. Baa bui pò wì me Zulu, an kifii kea guu yãa, aai gõe pò wùle n gbè pãle nòo de n nòe pio sãnu. Kifii sa zòo beeo fõ yã da wá gbã gbè pò aale n zĩa dile wekẽnao ùone. Aa fele wá da yãu yãkpalekegòo zĩ. Lua i o wèe wà kòo o n kaalua kaaoo. A mè wà mì kè wa. Duuna pãle pò gbè i ke pii i ke mè bàasie, ãma nodãakpana i duuna ke a zĩa mè guue. Lua Nisĩnpua pò ku á guu pò Lua á gba, á dõ ke á mè me de aa kpe ùo le? Á á zĩa vïo. (1 Kòle 6.18-19) To gbè Lua kpe òo kpà, Lua a ade òo kpa, asa kpe pi de Lua gbãsiisaide pò ù. Ápio á de Lua kpe pi ù. (1 Kòlenideo 3.17)

3. SAWA KUSANA Nòbòe bee le wè mia n asia keao duuna yã o wèe. Nòbò gbãsi pi i pò pò a e pii bleε, a maa n a vãic. Maa duunde sò i yã vãi pii si, yã oa vãi, fotoo vãi, taala vãi... Gbènazĩna mè pò Lua dile ao de a kpe ù ò wì a òo kpa n ble vãio n dõe ñio: sikali mia, gee mia, tawa soa, looka maa n ese gbãa pãleo mòmoo. Gbèo gò tawa zòo ù tia maamaa de yãa la, gõe n nòe pii. Gee n lookao me le gbèo òo kpa pãsi pãsi. Lua gbãa me i fõ gbè bò Setãu zò blea bee taa guu a do. Losisinao aai wei tawa mi losisikpeuo, a de né losisikpe gbãsi kpa yã ù, ãma an zĩa mè pò de Lua kpe ù gbãsi kpa n pò kaali gĩ

vãide piɔ ili ke né yãe ũo. Á dõ ke á de
Lua kpe ũo le? ... To gbě Lua kpe ɔo kpa
Lua a ade ɔo kpa.

Asiade běe Luae. Wi po ble ke wà e wào
ku yěie. I ke po blea yěi wà kuio. Ble
maa i noana ya, ãma asiade i wii le: Kãfĩ
meel Kãfĩ meel Asiade li kã ziio, poe li
mo wa seo. Moizi iko yã guu a mē wà asia-
de n wēdenao papa n gbeo wà n de. Wēdena
n asiadeo aai mi de n tàasio, an mi liaaa
a to aa ula kasana da. (Yaasi 23.21) Gbě
po i yãale n faasaideo, i wi da a mae wa.
(Yaasi 28.7) To ode n Lazaao yã do n wu.
Ode pi de asiade ũ, a dàa ni dea zò ũ. Ke
a gà, a tà gēobe, ɔ wãwã zɔo guu a a we
sē musu. Wà a ni vī ke wà vāi po i bo wē
mia guu yã oo. Gběo dõ sīana ke faai yã
no. Lua ò a yã taala guu wasawasa a mē
wēdena a gē Lua kpala guuo. Wē a po blea
no, a de imia vāi po i gbě mi liaa me i
īana zī má ũ. Gbě po aai mi aai saũ yã ke
no yã i doaa né, baa aai kō de se. Yã po
to wē no, aa wei keo. Wē wala vī, solobi
sō a zaa vī. Gbě po mi zɔo ɔno vīo. (Yaasi
20.1)

Wēbanao n a yianao an tàae i ke Luae
doũ n a minao, asa Lua yã taala mē: Waiyoo
gbě po aa wē mia ãyã vīo, n gbě po aa pāsī
n i gbãa yãaleao. (Isaya 5.22) Waiyoo gbě
po i wē kpa a gbědee wa me i nae wa n wē
tuuo e wē pi ge aa deo. (Abakuku 2.15)
Waiyoo gbě po aai fele kɔokɔo aa kpale ke
i gbāai, aai mi e weedo e a gē fele nno.
Goe, kule, kotili n domao ɔ aai wē kōo oò.
Aali laai do Dii yã keao wao. (Isaya 5.12)

Á su á zĩa sãsão, kaaluakanao ge sa-onao
 ge gbẽ pãle no dãakpanao ge gõe n gõeo kõ
 dãakpanao ge kpãio ge bĩideo ge wẽdenao
 ge gbẽ sõsõnao ge dãakenao, gbẽ bee taao
 gẽ Lua kpala guuo. (1 Kõle 6.9-10) Wa
 gbẽnazĩna dĩa yã kea dõ sãsã: kaalu kaa,
 gbãsi kea, wisaiyã kea, sa oa, gbẽ koole
 kea, zanwu, sole kea, nõse gõa, pokũma,
 denla weelea, lekpa, kõ kpaalea, wetonlaa
 wẽ dea, kõo vã i oa n yã bee taa keao....
 gbẽ po aai yã bee taao keo gẽ Lua kpala
 guuo. (Galati 5.19-21) Á su li wẽ de keo,
 asa bee a faasaiyãe, ãma à to Lua Nisĩnpua
 á pa. (Efeze 5.18)

Yesu le gbẽ po imi le n deo sisi a mẽ:
 To imi le gbẽ de, à mo ma kii, i i po i
 wẽni kpa ma mi. (Zãa 7.37-38) Hee! Á gbẽ po
 imi le á deo, à mo i kii. Baa á gbẽ po á
 ùa vĩoo, à mo à vẽe n vĩo lu ùa sai, fĩa
 bo sai. (Isaya 55.1) Gbẽ pii po a i po ma
 aa gbà mi, imi a aa de bau lão, asa i po
 ma aa gba ao gõ aa nõse guu bia ù, i i bõe
 wẽni po li laao ù. (Zãa 4.14)

4. KUSI Maa kea n yã po wì me wa to e
 ziao n podamao seela n ke. Podama duuna pi
 de Setãu yã ù, i bo luanaikesai guue.
 Maa de po yeia me i aa de, asa aa o i gi zĩ
 keie. Za koo e oosi io ku po ni dea guue.
 (Yaasi 21.25-26) Yozue ò Isaelionẽ: Á su
 ào de maa deo ùo, à ge zĩ ble busu pi wa.
 Gbẽnazĩna zĩ gbia me tò ali pœ e Lua kiiõ.
 Yesu mẽ: À koi ke à gẽ ze le tuuna guu.
 (Luku 13.24) Gbẽ po weele i e. Lua kpala
 le mo n gbãao, me koi deo le si. (Matie
 11.12)

Maa pɔ i to wà niasi kpa Lua faaba n aa aafiao zi ñ me a to gběo ge te guu zia. Ili to wà wabi ke Lua wao. Ili to wà yã gbia pɔ Lua a le gbě eo. I ge wánɔ te guu. To Lua ò ne ñyõ sõ kpa wa gbã, Diabulu i me to e zia ge gɔo pãle zĩ, ãma gɔo pi li kae ziio, e n ge gaò Lua faaba sai, Kilisi sai. To a Lua lɔɔ mà gbã, á su swã gbãa keo. (Ebelu 3.7-8) Gbě dasio kàale ke aa n faaba ea dìle zia baasi pɔ le vĩo wa. De me zia dõi?

Esedeo aai podama ke gbě wa n kusi tɛeo. Bee yěi fotoo guu kusi de podama seela ù n ese keao n maso keao n booka keao. Gběo aai yã beeo naai ke de Lua la, atěsa to wàle gyã ke, ge tãasi n le, ge to gbě gà. A maa wà le zu Lua pɔ běe me aa doa wá le sau mà zi. Wá su tãa naai keo.

Dii i doaa gběe gu pɔ a su geu, i gbě pɔ kà a wuo dõa. (Soũ 37.23) To á gběe le gyã ke, à Yesudeo gbě zõɔɔ sisi aa wabi kee Lua wa, aai nisi ma wa n Dii too. Wabi pɔ wà kè Lua naai kea guu bee a gyãe gbã-gbã. Dii a aa gba aafia, i suu ke aano n duuna pɔ a kèo. A yã me tò, à á duunao o kõe, i wabi ke kõe Lua wa, ke ào ku aafia yěi. (Yakubu 5.14-16) Gbãae li bo gukpe ge be-ae ge gugbãntoo oi a gběe kãfĩo, asa Lua me de yãkpalekena ù. I gbě mè do kěsã, i gbě mè do kãfĩ. (Soũ 75.7-8) Á su to á gběe àa a ne te kũ sa-obo ùo. Á su to masokena ao ku á guuo, ge wɛpungu-ena ge saanyãdõna ge gběkɔɔlekena ge eseběekena ge tãasisina ge wɛelena ge gbě pɔ i yã o n gèo. Asa yãbeekena běe Diie. Yã bee kea pio yěi ñ Dii á Lua le bui pãle: ya á ae.

(Iko Plaade 18.10-12) Āma gbāsīdeɔ, gbě kɔɔlekenɔ, kaaluakanɔ, gbědenɔ, sa-onɔ, egedeɔ n moafilideɔ ku bàasi. (Wepungu 22.15) Á su li ge welendeɔ ge gèsisinɔ kīi à yā gbea máo, ke á su gbāsī kpao yēi. Me ma de Dii á Lua ũ. (Levi 19.31) To wà òé à ge yā gbeai welendeɔ ge gèsisina pɔ aai yā ya n kolou aɔ yākɔtē kao wa, à o né a maa gběɔ yā gbea n Lua wao le? Wì gbě bēɔ yā gbea gèɔ wa yā? Moizi iko yā n ānabio yāɔ ɔ me yā vī. To gbě yā i bɔ yā beɔ guuo, gu i dɔe yāao. (Isaya 8.19-20)

Gɔɔ pɔ nle taalae bee kyo ke, Lua le yā o ne, ale weele n kpe li n duunaɔne, ni n zīa kpa wa. Āma kusi pɔ ku n sɔ guu le o ne "to we gīa". Ale vīa laasoo da n sɔ guu ni me: To ma gɔ Yesude ũ tia, ma gběɔ o kpele wa ni? Ge ma gbēnaɔ ge ma wēledeɔ? To mi ge ɔ wāi lɔo ge ādunia kɔo oɔ, yā pio de mee kpele wai mɔo? A de nyɔ laasoo ke Yesu Kilisi efāai pɔ a gbialē vīo wa, aa kuana pɔ kē zai, aa pɔna pɔ saa vīo, aa gawi n wēni pɔ li laao pɔ i kpa mao. Āma bee gbɛu ɔ ni yā pɔ de n ɔ kpaio laasoo keu, ɔ vīa kea gbēnazīnae n ga vīao ɔ me i to gi nyɔ ku Diabulu zò ũ. Āma Kilisi mò gbě pɔ aaiɔ vīa ke gae gɔo pii e aa gɔ ga zò ũo boi. (Ebelu 2.14-15) N n zīa kpa Yesu wa gbā. N toa e zia laasoo pɔ nle ke le n swā gbāa kū ne e a kà kusi tee wa.

5. GBEAANTĒNA de nobo pāsī ũ, ilio pɔ sosobi vīo. Zanwu, pɔkūma n fē kpao io ki ble gbēnazīna sɔ wa mɔomɔo. Gɔɔe wa yā pio

mì de gbě dea ù. Baa to nle weele ñ gie, me a kè gɔɔ pla, i ea fele nno pāsīpāsī lan yāa wa. A maa ñyō dō ke yā pio ku n sō guu, ni wabi ke Yesu wa, aà n faaba ke n n sō vāi pio. Fě kpa to, o kpa pɔ-kūma zi. N su to n pɔ pao, asa i mɔ n yā vāio. (Soũ 37.8) Fěkpaade gbě wěna vīo, pɔkūmade lio mena vīo, āma de me a nose-gōade fōi?(Yaasi 27.4) N su nyō wāa n kpěneo, asa mīsaideo me aai kpěne kūa. (Waasokena 7.9) Āma tia à yāe beeo to pii: pɔkūma, pɔkpěne, nose pāsī, gbě sōsōa n yā vāi oao.(Kolosi 3.8)

Gbēeo i wě mi ke an sō e gbāa kū ke aa yā ke ge aa tò si má yěi, āma an wě de né mle sewe ù, piligona le pašī ù.(Iko Plaade 32.33) Yā tò sia i ke sō duunde na, āma Lua de wá tòsina ù. Yesu mē: Nyō ye n gbē-dee zi lan n zīa wa. A mē lo: Nyō ye n ibeeo zi. Lua mē to wa suu kè n gbě pɔ taae kè wěeo, a suu ke wana n wá duunao sō. Yā ñi kūa n nose guu n yākōtē kaao bēe Luae lo sō. Gbě soa a ni wa n zī kaao an ni dea ku gbēnazīna sō guu. A yā me tò to wa ye wāo ku yā beeo sai gɔɔ pii, sema Lua kuana sīana da wá sō guu gīa.

6. MLE Adama zāzā Edō swalu. A gbēnazīna kua na n Luao n ñ le doũ keao ño kpà. Setāu, male-ika pɔ a gwea lèlè, ke a Adama n Adamuo è, aale ki ble ādunia wa, me an le doũ n Luao la Lusifee de yāa wa, ñ aa nose gōa fèlè, ale ñ ño kpa ze weele. Ke a ze è a gbēnazīna kua na n Luao pi ño kpà. Nose gōa doũ pɔ Setāu vī pi ku gbēnazīnao sō guu. To aa è ñ gbēdee ku pona guu, ale

nama ble, aai ze weele ke aa e kpa ade zi. Nɔse gɔa gbãa lan ga wa. (Salomo Lè 8.6) Nɔse gɔa i laasoo vãi da sɔ̃ guu ã i kpa dão zi e a gè gbě de se. Atěsa a ku uaeo guu. Nɔse gɔa me i mo n zanwuo n wahalao temukanao n ɔweelenao guu. Baa Lua zĩkenao, waasokenao n pasikeseo, to Lua baa da n gbě do wu de n la, aa fɔo ku nɔse gɔa saio. Sema aa laai ka yã pi musu, aa to Lua yenzi po Lua Nisĩnpua i kãfĩ wěe wá sɔ̃ guu n pa, ke zĩ po aale ke Luae su ke pã nɔse gɔa yěio.

7. KASO i kòo bui pii ble, ã fotoo guu a de bĩi kea seela ã n yea ãai po de yã vãi pii zĩna ã. (1 Timote 6.10) Kongoo kasoeo ku po wa è aa dɔnɔnkpo-ina mɔmo e aa gè pũna. Bĩide li wei a a o poo a dɔo gbě pãleo leo, ãma io ze pii weele, a maan a vãio pii, ke a e ãduniae bee aizee kãa a zi. Yesu me ò: Á su aizee kãa á zi toole lao. La kĩi kòo n potãkpa keao aai po ão kpau, me kpãio aai gu fɔu aa po selee. Áma á aizee kãa luabe. We kĩi kòo n potãkpa keao li po ão kpao, me kpãio li gu fɔu aa po seleo. Asa gu po n aizee ku we kĩi ã n laai io ku. (Matie 6.19-21) Akãa n a bedeo gãga ke a ye mɔvua n mɔpuao n gbè beedeo n ula maao yěi. (Yozue 7) Yudasí Isalioiti, Yesu tenzide me do a zĩa lòo a gã, ke aa yea ãai me tò a a Dii kpa má yěi. I ke ãa ge mɔvua de po vãi ã no, ãma yea ãai po i gɔ kpa gběnazĩna sɔ̃ guu me vãi.

Gbě bilao, gɔe, nɔe, kieo, zɔeo, bui n buio pii, aale n zĩa ão kpa n n daeo, an o

zõo wēlea yēi. Kē aa ye ɔ faa e, ɔ aai
 tele pa ge lotolii. Kē aa ye kē ɔdeɔ ũ
 tãasi kē sai, ɔ aai gõ kpãio ũ, gbēdenaɔ
 ũ. ɔ an gbēeɔ i n̄ zĩa de dendõmēe guu. Yã
 po i bo yea ũai n po b̄i keao wa dasi. To
 wēlea n iko wēleaɔ ku n̄ guu. Gbēeɔ ye
 gbãa blea gbēɔ wai. Gbēeɔ ye ɔdeke moa
 gbēɔnei. Gbēeɔ i denla wēle losisize guu.
 Yesu mē: À laai ka, à pãale po pii b̄i
 keae, asa aizee zõo á gbēnazĩna wēni no.
 (Luku 12.15) ɔde misaide fĩ gwa kē: ɔdee
 me ku, aa bua blewena kēe maamaa, ɔ a laa-
 soo kē a mē: Ma kē kpele wa ni? Ma blewena
 kakĩi kē fēneũ. ɔ a mē: La ma kē n kē. Ma
 a dõo gbooe, mi a zõoɔ do. Ma a powenae
 kau n ma po piio, mi o ma zĩae: Ma gbē, n
 po v̄i dasi, a ka nno wē ũ ma? Kãma bo, po
 ble, i mi, ni pona kē. Āma Lua òe: Misaide
 gwãasĩnae bee n̄yõ su n̄ n wēni kpaa. Sau po
 n kē a gõ dee ni? Maa gbē po le aizee kãa
 a zĩae me a gbia Lua k̄io aɔ de. (Luku 12.
 16-21) To gbē ādunia aizee pii è, me a fĩa
 b̄o n a zĩa wēnio, bo ai bee v̄i? (Maaku 8.
 36) Á su wēni kãa kē ble po á su ble yã
 musuo. Á su mē kãa kē pokasa po á su da yã
 musuo... À to Lua kpala yã doaaé, Lua i po
 beeo kpa wá...Gu po á aizee ku, we k̄i ɔ á
 laai io ku lo s̄o. (Luku 12.22,31,34)

8. SETÁU de egedeɔ pii mae ũ n ege
 piio. Gbēnazĩna s̄o guu a de duunaɔ pii
 doana ũ. Aapi me le ki ble we. Yesu mē:
 Diabulu me de á mae ũ. Io yã po á mae pi
 yei kē. A de gbēdena ũ za kaau. Ili ze n
 s̄ianaoo, asa s̄iana ku aa guuo. To a ee tò,
 a zĩa d̄aa me i doaae, asa a de egede ũ,

egede mae ũ. (Zāa 8.44) Ege nena n a zōo
 yā doŭe. Ege kee ku wì to, kee ku wì kē
 la guu, kee ku wì ke yā kea guu. Moafili-
 de de egede ũ, asa i a zīa dile po po a de
 a ũo ũ. Lua li ege too. Yesude su ege to
 sōo. To wa mē wá le ke aano doŭ, me wá ku
 gusia yā kea guu, wále ege toe, wále yā ke
 sīana guuo. (1 Zāa 1.6) Āma yāvāikenao ku
 wēle pi wēnkpe n esebēekenao n kaaluakanao
 n gbēdenao n sa-onao n gbē pii po ye egei
 me aa ku ege yā kea guuo. (Wepungu 22.15)
 Lua za seelade po i ege to wu n egedeo.
 (Yaasi 6.19)

9. SAANA de laasoo maa po Lua dà
 gbēnazīna pii sō guu ũ. Fotooe bee guu
 saana pi siae, a vāi kŭ, a ōo kpà a gà,
 duuna po wìo ke mōmōo n n zīa poeyāo yēi.
 Gbē bee taa vīa kŭ me a kolea, ō a fō a a
 zīa yā vāi kea dō vāi ũ loo. Sō vāi bee
 taa, zīeo io da kilikili, zīeo laasoo i
 ĩa da wa. Goo po de a a zīa da yāu, i aa
 bou. Goo po de a a zīa bo yāu, i aa dau.
 Lua Nisīnpua i o wasawasa gbēo pā kpa Lua
 zei goo gbēzāo zi. Aa laai do tāa zāzānao
 yā wa, aa te Setāu iwao yādane zi. Yādane
 pi i bo moafilide egedeo kīie, wà n laasoo
 kpāsa n mō wāao, aa maa dō n vāio loo.
 (1 Timote 4.1-2) Wà sō Lua zi...n sō po
 wà pipi wà laasoo vāi bōuo. (Ebelu 10.22)

10. LUA WE i gbēnazīna sō laasoo pii
 e. Poe li ulē aa we po i gē wá sō guueo.
 A yā me tò a wá asii laasoo pii dō n yā
 po le doaa wēeo. To n yā vāi kē gwāasīna
 wendo n nò, ge lakpe sisiu n nò, ge toole.

zie n nõ, ge gu pɔ n ulɛu pii, Lua lɛ e.
Fotoo beɔ guu yã pɔ Lua wɛ lɛ e i pisi
gbɛnazĩna oa wa.

11. TEVUA KELENAO pɔ lia sɔ zi de Lua
yenzi pɔ lia duunkɛna sɔ zi ũ. Siãne Lua
ye duunaio, ãma a ye wá zi, a ye duunkɛna
gao, sema a nɔse lile aɔ ku. Yesu mɔ duun
kenao faaba kea yɛi. (1 Timote 1.15) Wi
pona zɔɔ ke luabe duunkɛna mɛ do pɔ a
nɔse lile yã musu. (Luku 15.10) Tevua
kelenao lɛ Yesu Kilisi au yã o wɛe lo.
Lua sã pɔ i ãdunia duuna waa n ke. (Zãa
1.29)

12. MALE-IKA de Lua yã seela ũ. Lua
ye yã o gɔɛ, nɔe pɔ duuna tɔ má, ke aa e
ń nɔse lile, Lua gupua n aa yenzio i gɛ
ń sɔ guu.

13. FELENA de Lua Nisĩnpua seela ũ,
Nisĩnpua siãnde pɔ i yã pɔ de duuna ũ o
lo ne n kua susu yão n yã pɔ maa. Lua
Nisĩnpua ku gbɛnazĩna sɔ baasi fotooɛ bee
guu. A fɔ aɔ ku gu pɔ duuna lɛ ki bleuo.

To sɔ bee fotoo yã kpããĩ n n sɔ gweao,
wii pe Dii wa, ń n sɔ wɛe, ni to aa yã
gupua gɛu. Dii Yesu naai ke, ni faaba e.
Lua ye bee ke ne, a lɛ gbɛ ke a n sɔ lile
ne, i n gba sɔ dafu n nisĩnpua dafuo.
Fotoo plaade lɛ bee yã o.

FOTOO PLAADE

Fotooe bee le sɔ̃ pɔ kpe li duunaɛ, a na Lua weelea wa ɔ lo wɛɛ. Male-ika fɛnda kɔ̃a, a de Lua yã ũ. Lua yã bɛɛ me a gbãa, a le na de fɛnda le kpe pla piia. I gɛu e za nose n nisĩnpuaɔ, e za gupeekiio n boɔɔ. I laasooɔ n yã pɔ i doaa sɔ̃eo bɛɛ bo. (Ebelu 4.12) Lua yã i yã do gbɛnazĩna wu ke duuna asea me ga ũ, me wa dile gbɛnazĩna li ga gɛ do, wi gbasaa yãkpale ke aano. (Ebelu 9.27) Wa duunkenao n lua-naaikensaio zu te isida pɔ le kũ n bauluo guu.

Male-ika pi mitoona kɔ̃a a ɔ zeeu. Bee le yã do duunkenao wu wa pii wa su ga. Wa me pɔ wa ku a guu, wa yei a ke zai. Wi pokasa dae, wi ble kpa wa, wi keke, wi gwa, wi laai do wa, ke pɔ pɔ ale a ni de e daama ke. Me pi a su ga, a yai ke, kɔ̃oo aa ble. Ama wa wɛni n wa nisĩnpuaɔ pɔ aaiɔ ku goosopii aa ze Lua ae yãkpaleke-goɔ zi.

La kɔ̃i duunkena na Lua yã maà wa. A a sɔ̃ wɛ Lua yenzie. Lua Nisĩnpua na gupua kpaa sɔ̃ pɔ duuna a sia kũ wa. Lua gupua le gɛ aa kpeu, ale gusia ya pii. To Lua gupua gɛ, gusia i bo tiasi. Noɔ bui pii pɔ de duunao seela ũ le baa le sa. A yã me to kyoken yenzide, to Yesu pɔ de adunia gupua ũ gɛ n sɔ̃ guu, ke gusia n a yã keao e bou, la pɔ fotooe bee le ɔ lo wɛɛ wa. Yesu me: Me ma de adunia gupua ũ. Gbɛ pɔ a te ma zi, a taa o gusiau bauo, asa aɔ

FOTOO PLAADE



2
GBĚ PO LE FAABA WELE SÕ

wěni gupua vī.(Zāa 8.12) Nýõ fõ gusia ya n sõ guu n n zīa gbāaoo, ge n gbēnazīna õñoo. Ze pɔ aa,me a sīana vī, me i zī ke ku mē do. To Yesu pɔ de gupua ũ gē, gusia pɔ de duuna ũ i laa. Mɔvua n saanao i gupua kũ wē gwāasīna zõo guu, āma to gu dõ me ĩatē fēle, gusia i laa, wá mɔvua n saanao ni vī loo. Māa Yesu de wá gupua zõo pi ũ. Ke Yesu gē Lua kpeu Yelusaleũ, a gbē pɔ aale zũo yiao n são n felen-guuluo yà, a ũaleũkpakenaɔ taabũnuo fuan zu a mē: Ma kpe ao de losisikpe ũ, āma ápiɔ a kē gbēblenaɔ tòo ũ.(Matie 21.13) N sõ de ke ao de Lua kpe ũ, aa be ũ. A ye ao ku a guu, i keke ao maa. A ye wá sõ pa n a gupua n a yenzio n a ponao. Wá duuna suu ea yēi Yesu moi a doo, āma a mɔ wá zõ boi, ke duuna su ki ble wá loo yēi. To Lua Ne á zõ bõ, a gõ á zīae sīana. (Zāa 8.36)

FOTOO AAÕDE

Fotooe bee le duunkena pɔ a a nɔse lile sõ gwea o lo wēe. Aa duuna dasi pɔ Yesu gá li wa a yēi, a dõ ke yã vāi zõoe sa. To a lipāakõa n Lua yã pɔ male-ika le o loe è, aa pɔ i ya, io ku dendõmee guu a duuna dasi pɔ a kē yãa yēi. To a yenzi pɔ Lua kē wēe Yesu Kilisi sabai è, i aa sõ ble, i dõ sa ke Yesu Kilisi Lua Ne mɔ a duuna waaie, a wēi a gá li wa a gbeu laai pɔ ũ. Ke wá Yesu gbē n flāo, wá le lawani kpàe, wá kusa gbāa pà aa o n aa gbao wa, a gá lipāakõa wa wá duuna yēi, gbē pɔ a nɔse lile yã beo dõ yã gbia ũ

FOTOO AAÕDE



GBĚ PO NOSE LÌLE SŮ

sa wasawasa. Aa laasoo n aa kuaŋ de a zi wa loo. To a Lua yã kyo kè i a zĩa e la wì e díi guu wa, i gbasa dõ a kè Lua wa zã n yã pɔ a dilɛɔ. Aa pɔ yã ò kua dendõmɛ guu, i a sĩana o Luaɛ n we-io. 3 Yesu i sõ aa zi. Lua Ne Yesu au i wá duunaŋ waa wèe pii.(1 Zãa 1.7) To aa we kè yã bee musu, ò Lua yenzi n aa kuaŋaŋ i aa sõ pa. Dii kã i n gbè pɔ an pɔ yã, i gbè pɔ an kusu kwèŋ faaba ke.(Soũ 34.18) Lua yã ò gue lo a mè: Gbè pɔ ma we pe wa ò n ke: Gbè pɔ buse me a wala vïo, me i vïa ke ma yãe n lualuaŋ.(Isaya 66.2) Lua Nisĩnpua io Yesu yã oe kpãikpã i a mè: Ma gbè, sõ 'dile, wá suu kè nno n n duunaŋ. Goo pɔ ale lipãakõa gwa n Yesu au pɔ bõleŋ, ale a naai ke ke a bee kè a yèi. Ke wá aa duuna aso gòe, aa we ná kèa wa sa, asa Yesu wá wãwãŋ n wá yã õma: sè. A dõ sa ke wá aa kè ãa wá duunaŋ yèi, wá aa wìwi wá tàaeŋ yèi, me Dii wá pii yã vãio die. (Isaya 53)

Aa sõ pɔ gbãsi yãa me a sia, a pà n Lua Nisĩnpua gupuaŋ tia sa. I aa sõ pipi n Yesu auŋ, i gõ puu lan bùa wa.(Isaya 1.18) Lua Nisĩnpua me i o wèe wá sõ guu wá de Lua neŋ ù.(Lomadeŋ 8.16) A dõ sã-sã tia sa ke gbè pɔ le Dii Yesu naai ke a gao, aŋ wèni pɔ li laao vï.(Zãa 3.16) Asa Lua wá bo Kilisi au yèi, a suu kè wanaŋ n wá duunaŋ aa suu zõŋ pɔ a vï wanaŋ maamaa guu.(Efɛzedeŋ 1.7) Aa gbènazĩna dãa ni deŋ me dõae yãa, ãma tia kua Lua pɔ ù n zĩ kea Lua pɔ ye wá zi kaaueŋ me le dõae sa. Yea ãdunia zi n a pɔŋ yãa gbɛu, ò a yeŋ Lua zi n aa pɔŋ sa.

A yã me tò fotooe bee guu nobo po de duuna seela ùò bèle gbě pi sǒ guu. Baa n beeo Setãu ye boa a be zi yãio. Ale a kpe gwa, a a ni vĩ a e gẽu lo. A yã me tò Yesu i le da wá, wà itě ke wà lo sisi ke wà fǒ gi Diabulue, i go wá la zã.

FOTOO SIIÕDE

Fotoo siiõde le o lo wěe Yesude po kuana n faabao è wá Dii wá Faabakena Yesu Kilisi gaa li wa yã musu. Ale ãana dã n pœo loo, sema wá Dii Yesu Kilisi gaa li wa yã baasio, asa a yěi ò a kě ãdunia wa, me ãdunia kě wa. (Galati 6.14)

Yesu gà li wa ke kua aa guu aà wá bo duunao guu, wio ku yã maa kea guu, (1 Piee 2.24), Yesude po kě ãdunia wa ù. Galati la lee 5 doo 25 le o wěe lo: La wa wěni è n Lua Nisĩnpua gbãao, wao te aa zi lo sǒ.

Fotooe bee guu kpegbapele po wà Yesu yè wa, aa ulao woloa gbea gwa. Flã pãsi po wà aa gběò gwa lo. Kpěnemuu po wà bõbo wa yã me tò wa aafia è. A kè ãa wá duunao yěi. Ki Elodi n aa gběo Yesu kè pòpòo yãa. Vua lawani me maa aa kpàe ò aa lè lawani tã aa kpàe. Aa fee nàe aa o plaau kia gopana gěe ù. Aa kùlekùle aa ae, aa aa laani kè aa mè: Fò, Yudaò kiel! Aa le-i kà wa, aa gopana pi sè aa aa lèo aa mì wa. Ke aa wi dà wa aa aa kè pòpòo màa, ò aa gè aa pai li wa.

Gbě dasio ku, an Yesude kea de to ù. Aai lo sisi, aai Yesu taabũnu ble, aai lè si, ãma aale n Faabakena pa li wa lo n n

nɔsɛ pāsī keao. Yesu mɛ: I kɛ gbɛ pii pɔ aai o mɛɛ Dii, Dii, aa mɛ aa gɛ Lua kpala guo, sema gbɛ pɔ aai ma Mae pɔ ku musu pɔeyā keo. (Matie 7.21-27)

Fotoo doũ pi guu Yudasi pɔ bɔ Yesu kpe ɔsɔ gwa, A Yesu yia mɔpua baakwi, ke yea ũai aa sɔ blɛ, a aa laasoo vĩa kũ yɛi. Filia n senio ɔ sosao gɛ Yesu kũiò gwāa-sīna. Telepabo pɔ sosao zuzu Yesu ula ea yɛi gwa we lo. Bee wa Lua yā pɔ ku kɛa pà a mɛ: Wà ma pɔkasao kpa lɛ kàlɛ, ɔ wà tele pà a sea musu. (Soũ 22.18) Aa Yesu pɔɔ sɪ wa, āma aa ye aa zio aa mɛ: Wá ye gbɛɛ bee ki ble wáo.

Gbɛ pii ye a Lua efāai e: lau, ĩatɛ, āma aa ye mɪ siile Lua ikodeɛo. Gbɛɛo lio dɔ Lua kuo, sema to yā ĩa ge pɔsia mɔ má baasio. Sosao aa gbātɛɛ n aa sɔo zɔ n sɔnao. We gɔo au n io bɔlɛ. (Zāa 19.33-37) E kosao gɛ lɛ zui yā, Pie lele kpà Yesu zi gɛ aadɔ, āma a nɔsɛ lile gbezā n we-io. Nlɛ zɛ n Yesuo gbɛo aɛ n yā oa n n yā keao guua? Ge wi lɛ n kũ gbɛo aɛ yā? Yesu mɛ: Gbɛ pɔ zɛ manɔ gbɛo aɛ, ma zɛ aano ma Mae pɔ ku musu aɛ. Āma gbɛ pɔ lele kpà ma zi gbɛo aɛ, mapi sɔ ma lele kpa aa zi ma Mae pɔ ku musu aɛ. (Matie 10.32-33)

Yesu ò lo: Gbɛ pɔ i a lipākɔa se aɔ tɛò ma zio, i ka aɔ dɛ ma pɔ ũo. (Matie 10.38) Efāaide gbɛ pɔ zɛa Yesu Kilisi pɔ dɛ gbesi ũ wa.

Yesu au n aa kua susuo ɔ ma wɛ doi, yā pāle kuo. Ma fɔ to pāle naai keo, sema Yesu to maa baasio. Kilisi gbɛ maa ɔ ma zɛ wa, gu pāle pii a busu ũfāaɛ.

FOTOO SIIŃDE

Ma ga li wa n
Kilisio.

Galati 2.19

A duuna mi dè,
á ku Lua po ũ
n Yesu Kilisi
gbãao.

Lomadeo 6.11

Mapi sã, Lua su
to ma ãana dã n
pæoo, sema wá
Dii Yesu Kilisi
gaa li wa yã
baasio.

Galati 6.14



GBĚ PO GÀ N KILISIO SŃ

FOTOO SODE

Duunkena pɔ faaba è Lua suu zɔɔ n aa sosobio yɛi, aa sɔɔ pɔ wà pìpi, wà a gbãsi wòlo gwa ke. Sɔɔ pi gɔ Lua kpe ù siana, Mae Lua, Lua Ne n Lua Nisĩnpua kukĩi ù. La Yesu le gbɛ wa: To gbɛ ye ma zi, aɔ ma yã kũa, ma Mae aɔ ye aa zi, wi mɔ aa kĩi, wà be kpa aano. (Zãa 14.23)

Sɔɔ pi de Lua kpe ù sa, wà duuna yà. Nɔɔɔ dasi pɔ Setãu egede i iko ble máɔ ku we yã, ãma Lua Nisĩnpua pɔ de sian-ona ù me ku we sa. Sɔɔ pɔ de gbɛnazĩna dãa ni deaɔ kukĩi ù yãa gɔ li kefena pɔ i Lua Nisĩnpua neɔ i ù. Ne pic n ke: Yenzi, pona, kuana, mena, gbɛ ke, nose maa, naai, nose doũ, zĩa kũa dɔ n yã bee taa pãleɔ, pɔ maa Luae n gbɛnazĩnaɔ pii. La Yesu Kilisi de li sãande ù, gbɛ pi de aa gɔna mɛ do pɔ i ne i maamaa ù. Kua Yesu guu n Yesu kua wá guuɔ me de ne dasi ia asii ù. (Zãa 15.1-10) Ke Lua Nisĩnpua aa pà, me a aa zu ò, ò a gbãa è ke a zĩ blè a dãa wa n a ni deaɔ, i a kua zi de. Pɔ pɔ ale e n weɔ, ge ale ɔ kã wa, ge ale ma n swão yã le dɔaae lɔo, ãma a ku Lua naai kea guue. Aɔa aa Yesu Kilisi naai kea me i to aà zĩ ble ãdunia wa. A aizãna tãmaa vĩ sea sai. Aa we dɔa wá Dii Yesu Kilisi mɔa gawide zi i aa gba gbãa. Iɔ ku Lua yenzi pɔ ku gɔɔ pii guu.

Efãaideɔ nosepuadeɔ, asa aa Lua e. (Matie 5.8) Ki Davidi dɔ baa n a ɔ zɔɔ keaɔ n zĩ pɔ a blè a ibeɛɔ wao, dɛɛ siana ku a zĩa sɔ guue. A dɔ pɔ pɔ kɛsã wa de

FOTOO SCODE

Yenzi
Pona
Kuana
Mena
Naai

Gbě ke
Nose maa
Nose doũ
Zĩa kũa dĩa

Galati 5.22



GBĚ PO DE LUA KPE Ū SŌ

a, sǒ yǎ ũ, ǒ a wabi kè Lua wa a mè: Lua, sǒ pua da mee, ma gba laasoo dafu maa. (Soũ 51.10) Gbèe a fǒ a a zĩa sǒ pipio. Gbèe a fǒ sǒ pua da a zĩa eo. Sema wà nɔsɛ lile, wi wabi ke Lua wa n nɔsɛ mè doo la Davidi kè wa, Lua i wá gba sǒ dafu. Lua ye yǎ dafu pi ke wèe. Wá zĩa maa de landǒ zwākasa wa. To wale wèele wá wá zĩa sǒ keke n leo, bee de landǒ wale wá zwākasa naminami wa. Lua a fǒ ao ku sǒ bee taa guuo. Lua ye n ãa, a le bonsae gbè a mè: Má i maa tǒle wá i gǒ wasawasa, má á gbāsĩ n á tǎao go wá. Má á gba sǒ dafu, mi nisĩnpua dafu daé. Má á swá pǒ gbāa lan gbe wa wolo, mi swá buse peé. Má a Nisĩnpua kpa wá, mi to à te ma iko yǎi, io yǎ pǒ ma dileo kũa. (Ezekie 36.25-27) Legbe dafu pǒ Lua dile n a Ne Yesu Kilisi awo mi n we.

Fotooe bee guu male-ika gwa we lo. Male-ikao de gbè pǒ Lua n zĩ doi gbè pǒ aa su faaba eo le. Lua ò né aa be kpa a yāmanao sae, aa n si kai wa. (Soũ 24.7, 91.10-11, Daniele 6.22, Matie 2.13, Lua Zĩnao 5.19, 12.7-10)

Diabulu ku fotoo pi guu lo. A naa sǒ sae kãino, ale gooe dā a ze e a ea gè a be ziu. A yǎ me tò wà le dà wá wà itè ke wà lo sisi asa Lua yǎ mè: Á kpaaside Diabulu de landǒ nookusi pǒ le oo lo wa. Ale loole á zi, ale pǒ wèele a kũ so. (1 Piee 5.8) Io a zĩa lile gupua male-ika ũ moomoo, ke a e Lua gbè pǒ aale itè keoo sāsā n ādunia pǒ ni deao. I kōni ke a wèele baa gbè pǒ Lua n pleo sāsā. Ama to wa gie, i baa le go wá zǎ. (Yakubu 4.7)

FOTOO SOOLODE

Gbɛ pɔ pɔɔbɔzã kɛ fotoo gwa wɛnanɔ. Wɛ do yei, wɛ do yeio. Aa wɛ do kũaa, asa a nã i oa wa, a bũsa a Yesude kea guu. Aa wɛ do lɛ gusae gwa, alɛ ãdunia yã weele, wi lɛ aa kũo. Gupua pɔ ku aa guu lɛ lao. A lãa yãa a tàasi kɛ n Kilisio, ãma a seela pɔ a vĩ a sɔ̃ guu yãa, wale n e susu tia lɔo. Yãa lia aa zi, alɛ mi sii-lɛ né busebuse, alɛ gi lɔo. Lua yã maã gbɛu, alɛ Setãu lɛ pã gbɛa ma sa. Baa to alɛ ge Yesu kpɛu e tia, alɛ losisiyã da a ãdunia yã kea la gbɛo wɛ yɛi. A ye Lua zi lan yãa wao. Aa laasoo ku plaplae. A nã gbɛna kpaa n ãdunia wa, ã a dile a ye Lua zi a sɔ̃ guu e tia. Saana pɔ ku aa sɔ̃ guu Lua laasoo maa ã i na lɔo. A lipãakõa sea n pɔnao lɔo. A gɔ̃e aɔo gbɛa pɔ a yei lɔo ã. Aa Lua naai kea zĩna gbãa lɔo. A faai boa n Luao ni vĩ lɔo. A niasi kpã a sɔ̃ gweai, alɛ kee yãe ã lɔo. Busebuse alɛ Diabulu pɔ lɛ lɔole kãino gba ze. Gbɛna kpaa n ãdunia gbɛo mɛ i kee na de gbɛna kpaa n Yesude siãdeɔ la.

Kosa pɔ de ãana dãa seela ã lɛ gɛkĩi weele. Yesude bee, faaba pɔ a è Lua suu yɛi yã sã aa wu, ã a gɔ̃ Yesude walade ã. Wɛ de kea lɛ otaa lɛ aa kpɛle lɛ, alɛ ze weele a gɛ lɔ sɔ̃. I daale gĩa lan yã pã giina wae. To a ku n ãdunia gbɛo dakpɛe zĩ, to wã mɔ̃ n wɛo, aã mɛ ili mio ã i kee wi yã ã, kɛ wã su a gwa gbɛ buse ão yɛi. Õ Diabulu i oe: Sɔ̃ n zi, gɛ doe bee a fõ n Yesude kea ão kpao. Õ laasoo vãi n noe


nia kaa o i fele aa sɔ̃ guu. I na wisaiyã
yo boa wa, i fotoo vã i ge sɔ̃nima gwa n
ponao, io ge ɔ̃wãkĩi n kɔ̃o-okĩio. Setãu i
oe: Po dão le ke piiea? Duuna gẽ do á
duuna nol

Sɔ̃ana wá fɔ̃ gi bã po aa de laasoo vãio
ũ aa vũa le ma wá laoneo, ãma to wa tò aa
pè wá mi wa, ge aa sakpe dà wá sɔ̃ guu, me
aa gè gbe vã i pipiu, wa gɔ̃ tãaedeo ù n we.
To n Diabulu gbà zɔ̃lekĩi, i gẽgese ke n
zi e a ge nno te po li laao guu zia. A yã
me tò Lua le maa dà wá, wà baa le wá
ewaaso po ni deaone, wá su kɔ̃o o n duunae
buioo. Wà baa le ge Yesu wá Faabakena po
zĩ blè kĩi.

Gbẽ po ku fotoo guu ale sɔ̃ zɔ̃ n fẽnao,
a de Yesu ze awianbonao do ù. Aai Yesudeo
sɔ̃ ke ãa n n yã vã i doa máo n n laani
keao, ɔ̃ Yesude po a laasoo ku plapla i fu
yã bee taa yẽi. I vĩa ke gbẽnazĩna yãe de
Lua yã la. Ke ale vĩa ke gbẽnazĩna yã oae
n gbẽnazĩna yã keao yẽi, ɔ̃ i gɔ̃ gbẽnazĩna
zɔ̃ ù, ɔ̃ busebuse i kẽ Lua wa. Goo po i po
po a yeio eo, ge yã kele fẽle wa, ɔ̃ nose
vã i n pokpẽneo i gẽkĩi e. Mle pãsĩna po
de nose gɔ̃a ù, to a è gbẽ pãle le kãfĩa e
de a la, ge to wà mè gbẽ pãle yã maa de a
poa, ɔ̃ mle pi i fele. To wa ze wẽe, ɔ̃ i
gẽ n zanwuo n walao.

Yea ùai i gẽ wá sãu aa. Sema wà le po
Dii Yesu dà wá ma, a mè: À itẽ ke, ào
wabi ke, ke á su fu yãa wao yẽi. (Matie
26.41) Gbẽ po tãmaa kè a zea, àa laai ka
ke a su leleao. (1 Koleni 10.12) À Lua gɔ̃-
keboo pii da, ke à fɔ̃ gi Diabulu ɔ̃noone.
(Efẽzedeo 6.11-18)

FOTOO SOOLODE



GBĚ PO KU PLAPLA SŮ

FOTOO SOPLADE

Fotooe bee le gbě pọ pọbọzã kẹ sǒ ọ lo wěe. Gbě bee wẹ kẹ, a Lua gba è, aa bàa ku n Lua Nisĩnpuaọ, ǒ a pǎale ze waẹ. Fotooe bee le gbě pǎle sǒ ọ lo wěe lo, gbě pọ wà Lua bao na sĩana kpàe, a a sāsã mà, ãma i wei a nọse lile a a zĩa kpa Lua wa bauo. Gbě pọ le swã gbãa ke gọọ pọ Lua le aa sisi, baa ke ale weele aọ maa, aa sǒ vãi aọ kǎfĩe.

Yesu me gbě pọ pọbọzã kẹ yã ò a mẹ: To wà tǎa gò gbě mì wa, ọ liaaliaa sẹu ọ zǒlekĩi weele. To i eo, i me: Ma ea ta ma kpẹ pọ ma bou. To a ẹa ta we, i e wà kpẹ pi wàa, wà kẹke wasawasa. Ọ i ea ge tǎa pǎle pọ aa vãi de a laọ sele suò mẹ sopla, aai gẹ zǒle we. Bee wa gbě pi gwea tia vãi de a yã la. (Luku 11.24-26) Yã pọ n le bọ yaasie bee guu: Gbě i ea pọ pọ a pisi ble. Bee wa lo: Sawa kusana pọ zu ò, i ea male pelea guu. (2 Piee 2.22)

Lua yã beeo le gbě pọ pọbọzã kẹ sǒ sāsã ọ lo wěe, n duunkena pọ i nọse lileo sǒo. Duuna n a iko pọ i gbě zǎzǎo ẹa mo zǒle ke a e ki ble sǒ wa. Gbě pi sǒ gwea pisi aa oa wa yọọ se. Lua Nisĩnpua felen yǎesaide pi ale bọ sǒ pi guu tiasi, aṣa a fǒ aọ ku gu doũ n duunao sãnuo. Sǒ a fǒ aọ de Lua kpẹ ù, a ea aọ de Setǎu tòo ù gǒo. Male-ika pọ de Lua yã seela ù le go we lo n posiao, a ea le a kpẹ gwa. A ye gbě pi nọse lile landǒ a ku Ne pọ Sāsã yaasi guu wa: Io ye libe pọ sawaọ le ble momo bẹe, ãma gběe li pọe

FOTOO SOPLADE



GBĚ PO POBOZĀ KÈ SŮ

kpa wao. Ǿ aa we kě a mè: Má fele mà ea ta ma mae kīie mi oe: Baa, ma duuna kè Luae n npio, ma bèe i ka ke mào de n ne ũ loo. Mae pi, ke a è a ne nōse lile, a suu kè aano, a aa gbà deepookīi.(Luku 15)

Āma wá fotooe bee guu wi nōse lilea sīana gbe eo. Aa ae doa Lua kīi oio, ale suu gbea Yesu wao. Wà aa laasoo kpàsa n mò wāao, a maa dō n vāio loo. A swā vī āma ale Yesu loo ma loo. A we vī āma ale gèobe è zoolo po ku a gba sae eo. Duuna kea wi li aa kū loo. Setāu, zōlea a kpala baa wa we, ale ki ble aa sō wa. Gbě pi a fō ao de gilimade ũ ge losisina, āma sīana guu a de miagbe po wà soo lè wa ũ. An kpe maa wee, āma gèwao n gbāsī piio n guu pà.(Matie 23.27)

Egedeo mae zōle tia Nisīnpua Sīande gbeu. Nōbo po de duuna seela ũ pio, an baade ku we n a tāao. Nisīn vāi beeo me gō sō pi vī tia. Baa gbě pi ye a zò ble né loo, aa mò kà wa ko. Wì gbě po i Moizi iko yā dao de aa wēna gwa sai, to wà seelade è gběo pla ge aao. To gbě sa kà Lua Ne wu, me a pā kpà Lua legbe dilea au po a a gbāsī wòlo zi, me a Lua Nisīnpua suude kpe bō, ao dō ke a kà a ĩa zōo e de bee la maamaa.(Ebelu. 10.27-28, 2, Piere 2)

Ma gbě, to fotooe bee bō n sō wa, wii le Lua wa gōogōo n nōse mē doo. To n mò Lua kīi n nōse mē doo, a fō me a ye suu ke nno n n duunao pii. Mo aa kīi landō kusude po mò Yesu kīi yāa wa. A òe: To n yei, nyō fō ma gbāgbā mà gō gbāsī sai. Ǿ Yesu òe: Ma yei, gō gbāsī sai.(Maaku 1. 40-41) Āma to n gi, nle swā gbāa ke, to

gusia yã le ke ne na de gupua yã la, ñyõ
zia e lɔo, ñyõ faaba e lɔo, ke n ga sè
wěni wa yěi. Asa duuna asea me ga ũ.
(Lomadeo 6.23)

FOTOO SWAAÕDE



DUUNKENA ZIA

FOTOO SWAAŃDE

La kīi gbě pɔ pɔɔɔzã kè ge gbě pɔ swã gbãa kè, ale kãsãna ke. Aa mè le aa wãwã n nò, ale aa wãwão n nò, vĩa aa kũ maamaa aa sɔ̃ guu. Gèwa pɔ sɔ̃na kũa de ga seela ũ. A mò gɔɔ pɔ a yeio, gɔɔ pɔ a we dɔio zĩ. Pona pɔ a kè yãa duuna yã musu gě zea. A duuna asea pãsi sĩana dõ sa. Gèɔbe wãwã kùsi wa. Baa to a ye wabi ke Lua wa, a è a wabi kea a fõ Lua kīi leo, Lua pɔ a sa kàu za a gbãa zĩ. Vĩa aa gběnaɔ kũ, aa ye zõle aa pè le wa seo. An le gii pɔ aa gběe, a fõ aa faaba keo, a fõ aa nɔse ninieo. Aa ɔda pɔ a kãa, a fõ a aa wěni kãfĩeo, a fõ a aa faaba keo, a fõ a aa wãwã kpaleo. A è a fõ Lua laa-soo keo, ke Diabulu li aa gba zeo yěi.

Pɔ pɔ a yei yãaɔ n pɔ pɔ a ku an yěio aa de landõ aale aa yaa lo wa tia sa. Baa aa ledamade a fõ dɔ aa le loo. Ale e sa ke lele daa Lua pɔ io ku ɔsiu de vĩa yã ũ. (Ebelu 10.31) Ale e yãa a tuba ke Luae gɔɔe wa, baa a kãsãna kea guu, ãma tia sa a è a gɔɔ gě. Gbě dasio i. ga kãdo aali ze e aa Lua weele an kãsãna kea guuo. Bee yã me tò, wã Lua weele gɔɔ pɔ a ku wano kãi.

Wã fotoo guu duunkena pɔ gĩ Lua suu n aa yenzio zi yãa, ale ga sa, Lua faaba n aa nɔse niniao yã sai. Aa Faabakena gõ aa Yãkpalekena ũ sa, ale oe: À ge te pɔ li gao pɔ wã kèke Diabulue n aa male-ikao guu. (Matie 25.41) Wã dilo gběnazĩna li ga gě do, wì gbasã yãkpale ke aana. (Ebelu 9. 27).

FOTOO KĚOKWIDE

Fotooε bee le o lo wĕε Yesude po le t̄asi f̄ō, me ale z̄i ble ȳōa wa. Baa to ȳōa lia aa zi, i ze giūgiū, i mena ke e a le wa. N Yesu Kilisi gb̄āo ale z̄i aana ble. Ale ba kpaāi po Lua d̄ilee ke n menao. Aa we pea Yesu po de a Lua naai kea z̄ina n a mio ũ wa. (Ebelu 12.1-2)

Set̄au n a iwao lia Yesude s̄ō zi, ale wεεε Lua ne p̄āale ze susue. Iana d̄āa, yea ũai, kaalua kaa n d̄āa v̄āi p̄āleo t̄āo me ku we. Zaa-īna ḡō gb̄eana gb̄eu, asa duuna i li po pii we ũ, ō i gb̄asa s̄ō wá zi. Yesude po le it̄ē ke i gi duuna d̄ōε, baa to a a z̄ia l̄i gupua male-ika ũ. Asa Lua ȳā n a Nisīnpuaole d̄oaaε s̄iana pii guu. N̄yō gb̄ēe e we, a wĕ k̄ūa ale ō wā. Ale Yesude ȳō n ādunia pona keao. Kasi a f̄ō ȳāe ke Yesude po a z̄ia kp̄a Lua wa s̄ianaεo, asa ade ḡā n Kilisio duuna n ādunia ȳā musu. Gb̄ē p̄āle le gb̄ē naaide pi s̄ō z̄ō n f̄ēnao. Bee wa Lua ib̄εεo, baa Yesude keeo aai ke, aai ȳā v̄āi d̄o Yesude s̄ianao wa, aai o n̄ pe, aai o n̄ laani ke, aai o v̄ia dada n̄ zi m̄o m̄o. Āma ȳā po gb̄ēnaz̄ina le o li kee ȳāe ũo, sema Lua ȳā baasio. Yesu ȳāε bee d̄o aa wu: Ef̄āi-deo n̄ á ũ, to w̄à á s̄ōs̄ō me w̄à ĩa d̄à wá, me w̄à ȳā v̄āi pii ege d̄ò wá ma ȳēi. A pona ke, à yaa lo, asa á asea ao z̄ōo luabe. (Matie 5.11-12)


Duuna n wá d̄āa ni dea po de wá z̄ia poeyā ũo, aale d̄ēε ka n̄ gb̄ā leu, ke aa e Yesude go Lua yenzi wa. Baa n beeo la

po Pɔlu ò, wá fǒ o màa n pɔnao n naaio, a mè: Bɔ mɛ a fǒ wá kě kǒ wa n Kilisi yenzioi? Wahala mɛ a fǒa ge yǎ-ǒma ge ïadama ge noana ge tǎaside kea ge kai ge ga pǎsĩ? ... N gbě po ye wá zi gbǎao wale zĩ aana ble yǎ beeo wa pii. (Lomadeo 8.35,37) To Yesude Lua gǒkeboɔ dà, a fǒ gǎ zea a gbɛu goɔ vǎi zĩ, i yǒa pii fu. Wapio sǒ, wá fǒ zĩ ble n Kilisi po ku wá guu gbǎao.

Saana po de laasoo maa seela ũ, ale te ke wasawasa. Gbě pi le Lua naai ke maama mɛ Lua Nisĩnpua aa sǒ pà. Male-ika ku aa musu. Ale le bèede po Lua gbě gbě po aa zĩ blè aa mena kě e a goɔ le wa oe, a mè: Gbě po zĩ blè, má ade gba ze aà li wěnide po ku Lua swalu be ble. Ga plaade a ïa da gbě po zĩ blè wao. Má gbě po zĩ blè gba mana po ulea. Má aa gba gbɛ pua po wà to kě wa. Gběe a to pi dǒo, sema gbě po wà kpà wa. Gbě po zĩ blè mɛ a ma yǎo kǔa e a goɔ le wa, má ade gba ze aà iko vĩ gběnazĩna buio wa. Gbě po zĩ blè aɔ pokasa pua daa, má a to de wěni taala guu bauo. Má ze aano ma Mae n aa male-ikao ae. Gbě po zĩ blè, má ade ke kpegbapele ũ ma Lua kpeu, a bɔ bau loo. Gbě po zĩ blè, má ade gba ze aà zǒle mano ma kpalabaa wa, landǒ mapi, ma zĩ blè, ma zǒle n ma Maeo aa kpalabaa wa. (Wepungu 2.7,11,17,26,3.5,12,21)

Osǒ po wěa bee le o wěe ke Yesude pi i a sǒ kpa Lua wa a doo, a a ũa kpà wa lo sǒ. Aizee po i lalasi keò yǎa, a dilɛ ke a doò tǎasideo le, mɛ i zaka bɔ Luae.

FOTOO KĚCKWIDE



GBĚ PO ZĪ BLÈ SŤ


(Zaka de ai po ale e kwide ũ.) I bee ke
Lua to kãfĩa yëi.

Pëe n kpoo de po blea maa seela ũ.
Yesude pi li po blea po gbãsi vï bleo,
me a asia vïo. Ili gõ kpa n wë miaoo,
ili kpaa bleo ge po vãi. Ili a ũa lalasi
keo, ili a më po de Lua kpe ũ gbãsi kpa
n tawa miaoo ge a soa. Ili gee mio, ili
looka moo ge ese po i gbëo kũ, ãma i ze
n ble maa po i aafia kpa máo. Lo sisia
yã me gõ aa sõ vï. Io ge Yesukpeu a goo
wa, lau zã n nõ, yã päle n nõ. Io ye
faai boa n Luao zi, losisikpe n nõ, n a
bedeo n nõ, asii guu n nõ. Asa a dõ ke
Yesude a fõ ao ku le doũ kea n Luao saio.

Taala po wëa bee de Bibeli ũ. Io a
kyo ke, io a yã dada la gu le do. I õno
e a guu n gbãao n wënio n gupua n aizee
po wã fõ wã a le dõoo. Lua yã pi gõ
fília ũ aa gba zie, me a gõ fënda po i
zi kaò n a ibeëo ũ. A bëe vïe, asa a de
aa sõ po blea ũ, i wënde po i aa imi
dea yae ũ, i po a fõ zu oò ũ, díi po i a
zĩa gwauò ũ.

Io ye a lipãakõa seai, asa a dõ to a
a lipãakõa seao, a lawani e ziao. A dõ
a ëa vu n Kilisio wëni dafu guu, õ i po
po ku musu, po po io ku goo pii, po po
wili e n wëoo weele. Aa daa Lua le sau
mã. A de lan swa sae li wa, io ne i a
goo wa. A de li sïande gõna po i ne i
maamaa ũ. A ga vïa vïo, asa Lua yenzi
saa sai aa sõ pa n Lua Nisĩnpua gbãao.

FOTOO KWIDE



LUA AIZANA KE NE YAAE O

FOTOO KWIDE

Yesu m̀̀: M̀ ma de gb̃ p̀ i g̀o vu, i w̃ni kpa má ũ. Gb̃ p̀ le ma naai ke, baa to a g̀ aɔ ku. Gb̃ pii p̀ ku m̀ ale ma naai ke, a ga bauo. (Z̃a 11.25-26) Gb̃ p̀ le ma ỹ ma, m̀ ale gb̃ p̀ ma z̃ naai ke a w̃ni p̀ li laao ṽ. Lua a ỹkpale ke aano, asa a m̀ gaa, a g̃ w̃ni guu ko. (Z̃a 5.24) Ga ṽa li Yesude k̃ loo, ge ga gbea iadama. W̃a ga m̀mo b̃e. w̃a z̃ bl̃e wa. Ga a f̃ z̃ ble loe? Ga a f̃ kpa n̄ zi loe? ... W̃a saabu kpa Lua wa, ke a t̀ wa z̃ bl̃e n w̃a Dii Yesu Kilisi gb̃ao. (1 Kolenideo 15.54-57)

Gb̃ p̀ taa ò n Luao, m̀ a ku aano, ga ṽa li aa k̃o. To aa g̀o k̃. i ta n p̃nao la Polu ò wa a m̀: Ma a ni ṽ m̀ ta m̀o ku n Kilisio, asa we maa de laa a k̃ zai. (Filipideo 1.23) Yesude i we sia k̃ le n Yesuo b̃e ke, asa a g̀ li wa a ỹi, a a tooma b̀. Lua Nis̃npua s̃, i ỹ p̀ Yesu òe bee d̀ aa wu: Á su s̃ deede keo. Á Lua naai ke, i ma naai ke s̃. Z̃lek̃i ku ma Mae be dasi... má ea mo lo, má á sele ta áno ma k̃i, ke gu p̀ má su maɔ ku, ápio áo ku we lo s̃. (Z̃a 14.1-3)

Ỹ p̀ we i e ỹao, ỹ p̀ sw̃a i ma ỹao, m̀ gb̃e i laasoo ke wa ỹao, bee Lua sau k̃ gb̃ p̀ aa ye a zione. (1 Kolenideo 2.9) Z̃lek̃i p̀ Lua a sau k̃ gb̃ p̀ aa te Yesu iaione, w̃a f̃ w̃a a gawi boole ke n leo toole lao.

G̃wa p̀ i to ṽa n̄ k̃ gb̃e, ò Lua male-ika zeu fotoo gb̃z̃e bee guu.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)